

民國肇縣志

鞏縣志卷二十六

邑人劉鎮華鑒定

邑人 劉蓮青

張仲友

纂輯

邑人劉鎮海參閱

固始萬自逸警校

文徵四

夏

五子歌五章

夏書太康尸位以逸豫滅厥德黎民咸貳乃盤游
無度畋於有洛之表有窮后羿因民弗忍距於河

鞏縣志卷二十六

文徵四

一

經川圖書館刊

厥弟五人御其母以從後於洛之汭五子咸怨述
大禹之戒以作歌

其一日皇祖有訓民可近不可下民惟邦本本固邦寧予
視天下愚夫愚婦一能勝予一人三失怨豈在明不見是
圖予臨兆民懍乎若朽索之馭六馬為人上者奈何不敬
其二曰訓有之內作色荒外作禽荒甘酒嗜音峻宇雕墻
有一於此未或不亡其三日惟彼陶唐有此冀方今失厥

道

左傳

亂其紀綱乃底滅亡其四曰明明我祖萬邦之君

有典有則貽厥子孫

叶

關石和鈞王府則有荒墜厥緒覆

宗絕祀

叶養里反

其五日嗚呼曷歸予懷之悲萬姓仇予予將

疇依鬱陶乎予心顏厚有忸怩弗慎厥德雖悔可追

商

桑林禱辭

荀子大畧篇湯之時大旱七年翦髮斷爪以身爲犧牲禱於桑林之野以六事自責曰何不雨至斯極也言未已大雨

政不節與使民疾與宮室崇與婦謁盛與苞苴行與譏夫

興與

節叶卽盛叶成祝山川教之祝云云

漢

太學中謠

八顧之一

鞏縣志卷二十六

文徵四

二

經川圖書館刊

天下英藩尹伯元

尚書令河南鞏尹勳

晉

在懷縣作選一首

潘岳

我來冰未泮時暑忽隆熾感此還期淹歎彼年往駛登城望郊甸遊日歷朝寺小國寡民務終日寂無事白水過庭激綠槐夾門植信美非吾土祇攬懷歸志眷然顧鞏洛山川邈離異願言旋舊鄉畏此簡書忌祇奉社稷守恪居處職司

鞏道迎駕

潘尼

南山鬱岑崑洛川迅且急青松蔭修嶺綠蘂披廣隰朝日

順長途夕暮無所集歸雲乘憶浮淒風尋帷入道逢深識
士舉首對吾揖世故尙未夷嶠函方險澁狐狸夾兩轅豺
狼當路立翔鳳嬰籠檻騏驥見維繫俎豆昔嘗聞軍旅素
未習且少停君駕徐待干戈戢

唐

題石窟寺

魏孝文所置

宋 昱

梵宇開金地香龕鑿鐵圍影中羣象動空裏衆靈飛簷牖
籠朱旭房廊挹翠微瑞蓮生佛步瑤樹挂天衣邀福功雖
在興王代久非誰知雲朔外更覩化胡歸

按魏書孝文紀書幸武州山石窟寺書行幸方山建永

鞏縣志卷二十六

文徵四

三

經川圖書館刊

固石室於山上又書幸方山石窟寺昱詩自注魏孝文
所置是應爲方山之石窟寺然鞏之石窟寺唐龍朔故
希玄寺碑稱爲魏孝文帝創建則鞏實有孝文所建之
寺昱詩曰誰知雲朔外更覩化胡歸是非武州方山之
寺可知

夜到洛口入黃河

儲光羲

河洲多青草朝暮增

一作滋

客愁客愁惜朝暮枉渚

一作聊

停舟中宵大川靜解纜逐歸流浦溆旣清曠
泂河非阻修登艫望落月擊汰一作楫悲新秋儻遇乘槎客永言星漢遊

鞏城南河作寄徐三景暉

儲光羲

初年雨候遲鞏洛河流小搖搖芳草岸屢見春山曉清露
洗雲林輕波戲魚鳥唯言故人遠不念鄉川眇舟楫去滌
迴湍激行奔峭寄書千里路莫道南鴻少

鞏城東莊道中作

儲光羲

北陵散寒鳥西山照初日婉變晉陽京踟躕野人室南軒
草間去後乘林中出靄靄長路暖遲遲狹路歸蟬蛩時蔽
月枳棘復傷衣城上東風起河邊早雁飛夏王紀冬令殷
人乃正月涯口度新雲山陰留故雪幸逢耆耄話餘待親
鄰別總轡出叢薄歇鞍登峻隅春源旣蕩漭仗戰亦睢盱
未獲遵平道徒言信薄夫

鞏縣志卷二十六

文徵四

四

經川圖書館刊

鞏北秋興寄崔明允

岑參

白露披梧桐玄蟬晝夜號秋風萬里動日暮黃雲高君子
佐休明小人事蓬蒿所適在魚鳥焉能徇錐刀孤舟向廣
武一鳥歸成臯勝概日相與思君心鬱陶

尋鞏縣南李處士別業

岑參

先生近南郭茅屋臨東川桑葉隱村戶蘆花映釣船有時
著書暇盡日牕中眠且喜聞井近灌田同一泉

送孟十二倉曹赴東京選

杜甫

君行別老親此去苦家貧藻鏡留連客江山顛顛人秋風
楚竹冷夜雪鞏梅春朝夕高堂念應宜綵服新

遊石窟寺

劉滄

苔徑縈迴景漸分，
傍然空界靜埃氛。
一聲踈磬過寒水，
半壁危樓隱白雲。
雪下石龕僧在定，
日西山木鳥成羣。
幾來吟嘯當朱檻，
風起天香處處聞。

自鞏洛舟行入黃河卽事

寄府縣寮友

韋應物

夾水蒼山路向東，
東南山豁大河通。
寒樹依微遠天外，
夕陽明滅亂流中。
孤村幾歲臨伊岸，
一雁初晴下朔風。
爲報洛橋遊宦侶，
扁舟不繫與心同。

酬李相公喜歸鄉國自鞏縣夜泛洛水見寄

劉禹錫

鞏縣志卷二十六

文徵四

五

經川圖書館刊

鞏樹煙月上清光，
含碧流且無三已色。
猶泛五湖舟，鵬息風還起。
鳳歸林正秋，雖攀小山桂。
此地不淹留。

鞏路感懷

呂溫

馬嘶白日暮，劍鳴秋氣來。
我心浩

一作眇

無際河上空徘徊。

送諫議十六叔至孝義渡後奉寄

孟郊

曉渡明鏡中，霞衣相飄颻。
浪鳧驚亦雙蓬客，將誰僚別飲。
孤易醒離憂，壯難銷文清。
雖無敵儒貴，不敢驕江吏。
捧紫泥海旗，翦紅蕉。
分明太守禮，跨躡毗陵橋。
伊洛去未迴，遐矚空寂寥。

至孝義渡寄鄭軍事唐二十五

孟郊

咫尺不得見心中空嗟嗟官街泥水深下腳道路斜嵩少
玉峻峻伊雒碧華華岸亭當四迴詩老獨一家洎叟何所
如鄭石唯有些何當來說事爲君開流霞

憶至鞏縣河宿待家累追懷

李紳

鞏樹翻紅秋日斜水分伊洛照餘霞弓開後騎低初月鷓
駐前旌拂暮鴉聞信坐遲青玉案弄兒閑望白羊車今來
憶事涼風晚烟浦空悲黃

一作菊花

宿石窟寺

一刹古岡南孤鐘撼夕嵐客閑明月閣僧閑白雲庵野鶴
立枯枿天龍吟淨潭因知不生理合自此中探

鞏縣志卷二十六

文徵四

六

經川圖書館刊

送盧少府之任鞏洛

李洞

從知東甸尉銓注似恩除帶土移嵩木和泉送尹魚印牀
寒鷺宿壁記醉僧書堂下諸昆在無妨候起居

太康

周曇

師保何人爲琢磨安知父祖苦辛多酒酣禽色方爲樂詎
肯閑聽五子歌

宋

永昌陵輓詞

李昉

丹青史筆敢虛張功德巍然軼漢唐奠玉五回朝上帝御
樓三度納降王

題鞏縣西門周襄王廟

晏殊

人來人去市朝變山後山前煙霧凝紫帶二川河洛水寂寥千古帝王陵

次鞏縣

宋庠

昔走成周道春風尙落花

頃歲春末赴洛陽

今馳河內傳秋日正

臨霞山色依前綠顛毛只是華見迎多故吏衰壯兩驚嗟

洛陽故吏皆迎余于道

謁四陵下宮

宋祁

四陵煙柏蔽團暉曉東朝紳拜廟闈臺下俗無西向射寢中人護月游衣垂髯上漢龍難見耘野連天鳥自飛酌畢

鞏縣志卷二十六

七

經川圖書館刊

驅車循故道經時回望悵依依

太祖永昌陵

宋祁

石馬開陵道陰虬結廟阿飛雲似不去疑誤大風歌

太宗永熙陵

宋祁

白虎晨端迴青龍夕霧和漢陵人易識流水記岷岷故老今多喪嚴祠日愈新青青陵上杏神護五株春

真宗永定陵

宋祁

金石凝虛笱旌旗落暗塵唐堯遂不見空有進羹人洛水縈祠外崧雲泊棟端橋山何必問只是葬衣冠

永昭陵挽詞三首

歐陽修

與子雖天意知人昔帝難一年謀早定九鼎勢先安大舜
仁由性成湯治以寬孤臣恩未報清血但沈瀾

千戈不用臻無事朝野多歡樂有年便坐看揮飛白筆侍
臣新和柏梁篇衣冠忽見藏原廟簫一作笳鼓愁聞向洛川
寂寞秋風羣玉殿還同恍惚夢鈞天

行殿沈沈畫翼重淒涼挽鐸出深宮攀號不悟龍胡遠侍
從猶穿豹尾中日薄山川長起霧天寒松柏自生風斯民
四十年涵煦耕鑿安知荷帝功

續作永昭陵挽詞五首

歐陽修

王者居尊本無外由來天下以爲家六龍白日乘雲去何

鞏縣志卷二十六

文徵四

八

經川圖書館刊

用金錢買道車

苦霧霏霏著綵旗猶排吉仗雜凶儀常時鳳輦行遊處今
日龍輻動哭隨

都人擾擾塞康莊西送靈車過苑墻金鼎藥成龍已去人
間惟有鼠拖腸

素幕悠悠逗曉風行隨哀挽出深宮如嬪莫向蒼梧望雲
覆昭陵洛水東

叨陪法從最多年慣聽梨園奏管絃從此無因瞻黼坐惟
應魂夢到鈞天

鞏縣陪祭獻懿二后回孝義橋道中作

落日漢陵道初寒慘暮颯遙看山口火暗渡洛川橋不見
新園樹空聞引葬簫林鷓棲已定猶一作獨此倦征鑣

鞏縣初見黃河

河決三門合四水徑流萬里東輸海鞏洛之山夾而峙河
來齧山作沙觜山形迤邐若奔避河益汹汹怒而訾舟師
弭楫不以帆頃刻奔過不及視舞波淵旋投沙渚聚沫倏
忽爲平地地下窺莫測濁且深癡龍怪魚肆憑恃我生居南
不識河但見禹貢書之記其言河狀鉅且猛驗河質書信
皆是昔者帝堯與帝舜有子朱商不堪嗣皇天意欲開禹
聖以水病堯民以潰堯愁下人瘦若腊衆臣薦繇帝曰試

鞏縣志卷二十六

文徵四

九

經川圖書館刊

試之九載功不效遂殛羽山慙而斃禹羞父罪哀且勤天
始以書畀於姒書曰五行水潤下禹得其術因而治鑿山
疏流浚畎澮分擘枝派有條理萬邦入貢九州宅生人始
免生鱗尾功深德大夏以家施及三代蒙其利江海淮濟
洎漢沔豈不浩渺汪而大收波卷怒畏威德萬古不敢肆
凶厲惟茲濁流不可律歷自秦漢尤爲害崩堅決壅勢益
橫斜跳旁出惟其意制之以力不以德驅民就溺財隨弊
蓋聞河源出崑崙其山上高大無際自高瀉下若激箭一
曲一直一千里湍雄衝急乃迸溢其勢不得不然爾前歲
河怒驚滑民浸漑洋洋淫一作注不止滑人奔走若鋒駭河

伯視之以爲戲呀呀怒口缺若門日啖薪石萬萬計明堂
天子聖且神悼河不仁嗟曰喟河伯素頑不可令至誠一
感惶且畏引流辟易趨故道閉口不敢煩官吏遵途率職
直東下咫尺莫可離其次爾來歲星行一周民牛飽芻邦
羨費滑人居河飲河流耕河之壩浸河濱嗟河改凶作民
福嗚呼明堂聖天子

過溫寄鞏縣宰吳秘丞

邵雍

風軟玉溪騰碎騎花繁石窟漾歌舟相望咫尺仙凡隔不
得同陪三月遊

送直講吳殿丞宰鞏縣

王安石

鞏縣志卷二十六 文徵四

十一 經川圖書館刊

青嵩碧洛曾遊地墨綬銅章忽在身擁馬尙多畿甸雪隨
衣無復禁城塵古來學問須行已此去風流定慰人更憶
少陵詩上語知君不負鞏梅春

出鞏縣

王安石

昭陵落月煙霧昏篝火度谷行山根投鞭委轡涉數村寤
出鞏縣城東門向來宮闕不可見但有洛水流渾渾

題永昭陵

王安石

神闕澹朝暉蒼蒼露未晞龍車不可望投老涕霑衣

書任村馬舖

王安石

兒童繫馬黃河曲近岸河流如可掬任村炊米朝食魚日

暮榮陽驛中宿投老經過身獨在當時洲渚今平陸秣黍
冥冥十數家仰視荒蹊但喬木冰盤繪美客自知起看白
水還東馳爾來百口皆年少歸與何人共此悲

孝義橋

韓維

殘花辭故都細雨度清洛浮梁拖龍腹徑石亂鵝殼山形
豁如對林色秀可握漁子何處來長曾波面落

之石窟寺馬上作

韓維

今辰忘我勞幽事隨所歷翠麥圃一川黃花明半壁山林
契宿尙老大悲物役便欲從溪僧分居窟崖石

送人朝饗裕陵

賀鑄

鞏縣志卷二十六

文徵四

十一

經川圖書館刊

三年不見鼎湖龍弓劍塵埃玉座空白髮孤臣心斷絕滿
山明月柏城風

渡洛因泛舟東下數里頗意淮上

泂泂清洛轉山隈渺渺東流不復回輕鳥竟隨青嶂去亂
波爭泛夕陽來偶驚舟楫鄉心起乍脫塵埃病眼開疑是
盱眙郭門外月明帆席過清淮

金

羅漢泉 并序

僧福安

予自興定二年正月十有三日因徇其請來居是剎
乘閒有一舊住老衲謂余曰寺之西南百步之外林

壑之間昔有一泉名曰羅漢其水甘冷其味常諫渠引于寺中宛轉旋流大得其用泰和己未歲多苦旱泉遂枯之十三年矣予既聞之感歎不已興定三稔中夏廿五日泉乃復出于老衲重謂余曰此泉頗靈人皆不知自昔已來有二奇事一表主者有德一表寺之隆替今則泉湧倍常雖非吾師深有德行寺之復興歟敢請和尚下一轉語發揚此一段公案平不肖爾時忻然默筆爲書鄙語一章用紀其實可爲千古之下崧陰之勝事耳

羅漢幽栖地最靈泉因羅漢便爲名昔年曾向瓶中瀉今日還從石罅傾聲雜松風涼枕簟光連山月照簷楹可恰奔走黃塵客來此冷然整濯纓

清明後一日遊青龍山羅漢院

邵公高

亂山深處春深處殿閣參差壓石垣梨白桃紅寒食節風香雨細給孤園脩廊拂拭看詩句好景流連卧酒罇幽興此間殊不淺林邊歸路踏黃昏

石窟寺

邑令牛承直

老去尋山意漸便興來登覽獨怡然僧歸禪榻香凝帳人喚漁舟晚濟川清洛冷光浮巨棟靈崧積翠拱中天公餘底事頻來此民遠官刑不用鞭

明

鞏洛道中

禮部侍郎薛瑄

嵩高雲氣晚嗟峨清洛西風咽急波水色山光渾似舊宋家陵墓夕陽多

由蓼子谷取捷路抵鞏黃北徙有感 薛瑄

此路經過已十年重來河水變桑田西風不盡登臨意又見寒鴉下夕烟

題宋復古鞏洛圖

謝徽

青山鞏洛舊林園彷彿昇平古意存雨外人歸秋葉浦煙中鳥下夕陽村昔年題字宸光合今日披圖野興繁風景

鞏縣志卷二十六

三

經川圖書館刊

西湖仍不異惟餘故老說中原

石窟寺

府尹張綬

野寺枕清洛古像鑿崖石軒窗眇空曠樓閣愧金碧僧多龕崑居門為嵩少闕我來值秋晚高下窮勝蹟萬籟息衆竅千花紛講席乘興宿禪房梵音徹寒夕

弔杜公墓

陳獻章

裸葬不葬等悠悠有生無生名可留壽遲殤子千年在文興江河萬古流天借人心照日月山藏廟貌自春秋拾遺苦被蒼生累贏得乾坤不盡愁

黑石渡

于範

山足滌清波渡頭枕黑石野花學菊黃山東如丹赤高岸
穿山過深溝落葉集雲靜正秋空出門雙眼碧

經少陵墓

周敘

杜陵詩客墓遙倚北邙顛斷碣居人識高名信史傳猿聲
悲落照樹色翳寒烟惟有文章在輝光夜燭天

洛口驛

失名

驛古人初靜林深夜倍清寒蛩引鄉淚歸雁帶邊聲明月
知心事青山減宦情馳驅何日了温飽愧生平

石窟寺

分府桑浦

二月十七郊外行嵩山洛水眼分明已勞地主盤餐薦更

鞏縣志卷二十六

文徵四

古

經川圖書館刊

遣山僧管籥迎緣磴酣歌春日暮凭闌擊目晚風清酒殘
不盡登臨興月印灘頭一艇橫

慈雲寺

趙迎人

昔我登山未盡頭此心鬱鬱幾經秋重過溪澗酬前志再
陟巉巖繼舊遊接地風雲隨我轉連天景色許誰收危峰
絕頂堪舒目得句敢云家倚樓

送周編修代祭宋陵

王英

明庭秩祀降深恩詔遺詞臣出諫垣遠歷山川周洛邑肅
陳俎豆宋陵園御香滿路花爭發官柳連堤日正殷最愛
近陵諸父老攀援羅拜擁行軒

市河橋

劉醇

尋芳策杖市橋前柳色垂金二月天宿霧纔開初出日經
風又散曉來煙沙汀燕子啣泥語蓼岸鴛鴦貼水眠尤勝
灞陵風景好一川城郭翠微連

清

渡洛水

王士禎

脉脉中流望盈盈羅襪塵西園魏公子南浦洛川神蘅薄
芳猶在楊林意未申凌波何處問秋水正魚鱗

宋陵

王士禎

洛水邙山飽廢興宋家幽寢闕魚燈奉香不見臨安使白

鞏縣志卷二十六

文徵四

十五

經川圖書館刊

日茫茫下七陵

七夕前二日鞏縣阻雨

王士禎

大火西流日昇仙故跡存秋風來鞏洛暮雨阻輾轅欲把
浮邱袂難招杜甫魂神嵩不可眺三十六峯昏

黑石頭渡洛水

李因篤

古道長依洛前津始放船青泥通沃土黑石泛疎烟豆粥
凌晨具魚肪度地偏御風隨所適江海正悠然

鞏洛道中書所見

陳維崧

鞏洛饒陂陁水土互蟠結抉幽布險勢鑿孔露奇節重隄
積屨屨怪竅囊端埠居民數百家伏處類巢穴村墟冪冪

岷衡宇補凹凸批亢架桷染搆虛置櫨椽玲瓏勝鬼工妥
貼儼地設乃知般倅外別自有巧拙東南一土巘壁若昆
刀切居者累彈丸縹緲詫奇絕重樓俯鳥道甕牖瞰蟻垤
盤旋萬累紋雕樓百蟲齧盡室頗淳熙聚廬復精潔噉咷
雜童穉傴僂半耆耄嬌女曉塗抹瘦妻解補綴春秋放雞
豚早晚閉門闌我顧居者言此境堪咋舌一朝秋雨塌陵
谷遭崩缺將毋愚公移或者龍火掣居者啼向我長跪對
余說前朝昔喪亂蛾賊起作孽秦隴跳銅脛楚豫潛草竊
峩峩洛陽道千里大流血白晝無猊貍黃天恣饕餮妻孥
飽刀鋸骸骨供蠶蠶距料寰宇清及見纓槍滅興亡祇轉
瞬世事纒一瞥苟活幸至今枯苑何區別我聞吳越間甲
第金張列文椒塗不足更取都梁蕪此疑太暴殄翻恐致
蹉跌何如此間人任運無曲折飽飯過殘年踏盡邛山雪

鞏縣

潘 耒

黑石渡

湯右曾

昨從邛山來今從邛山去邛山朽骨萬萬古惟有行人朝
復暮黃金蝕盡白石爛螻蟻三泉尙知處我來欲酌酒一
盃落日荒荒下前渡

元日發鞏縣

湯又曾

看山四面碧嶙峋且免車中邑邑人殘雪未消前度臘寒
梅已帶乍回春老知時節心情減閒覺風花景物親二十
年來兩元日天門頂上洛河濱

丁丑元日舟次白沙
得登天門山絕頂

嚴子陵祠二首

呂履恆

霜落秋城木葉丹客星祠畔肅衣冠故人無意驕同卧天
子何能屈一官嚴瀨江山空浩渺原陵松柏自高寒東都
多少知名士不及冥鴻一羽翰

鞏邑東來淨路塵子陵祠畔正芳春客星不與炎灰滅一
代流風賴故人

鞏縣志卷二十六 文徵四

七 經川圖書館刊

黑石關

呂履恆

嚴關東望意蕭騷石立山開見古濠曉樹片帆回洛汭霜
天一雁下成臯人家雨後黃沙靜戰壘秋空白日高底事
棄繻猶履躋三年重過問村醪

三經黑石渡 三言

屈復

東山雲西山雨黑石關三回渡桂折風蘭摧露布帆來仙
舟去天蒼蒼烟茫茫風冷冷心耿耿漢名士魯男子角巾
羞大兒耻易水寒髮冲冠秦宮筑鬼夜哭登龍者空啼血
屠狗者膽如雪龍之神虎之尊尾可拔珠可奪蕙歎芝不
逢時咨一死婦人耳思一御淚如注馬如龍車如輅雁哀

鳴不忍聽

四經黑石渡

屈復

空水澄鮮白於練空林雲飛疾於箭七月四向黑石過一
過一回哭綠波落木飛蓬兩岸浮漁竿樵爨沐清流龍準
子孫如常在布帆不渡漢家秋蘭榭桂棹悵已矣風吹夕
陽照秋水

王亥山 在鞏

王鐸

摩盪初無已輒思倒太玄洛敷吸海底匿奔香人前寒暑
巖為變靈光廟不前景留恬衆慮幽媚可能還

近寇鞏國神堤山行

王鐸

鞏縣志卷二十六 文徵四

六 經川圖書館刊

高眺蒼龍脊今來興欲闕河隨鞏草折風度宋陵寒躑躅
依長劔欹崎歷一官虎牢血戰處客淚向誰彈

春暮黑石渡舟行

王鐸

昨日離家井煙波為灑然光吞天已墮峰走石俱懸晚磬
何方寺閒心萬里船春期辜負盡但恐又年年

宋陵

王鐸

野樹陰深古路高宋陵一望暗蕭騷龍收夜雨沈沈水虎
過寒沙泯泯壕地下衣裳空玉匣人間宮殿失金寮
時有嵩雲入飛來飛去落九臯

黑石渡

王鐸

洛汭襟喉古石亭往來一舫下巖扃西窺函谷三秦小東
去河流大海青戈甲金銷殲土豹農桑均饑賚村霽酒闌
嗚嗚歌幽雅何處薔薇送晚馨

鞏子國謠

王鐸

心不同火金門關心既協力火然寇

黑石渡

劉青藜

朝發上東門夕抵黑石渡川原何逶迤崗嶺莽回互伊洛
與灑澗派別齊東赴匯流朝大河羣山夾北注側聞李郭
儔當年曾此聚門龍舟亦仙御榮渡還慕名流矜氣節義
士爭馳騫惜哉標榜盛奇禍中黨錮羣小馬足尤諸公無
乃固遂俾國一空炎運以不祚我來千載下俯仰空自顧
扣舷獨放歌伊人不可晤

宋陵行

劉青藜

前有嵩高後北邙伊洛縱橫盤中央青龍掉尾紫金接天
水遺冢紛低昂殿宇灰飛松楸盡殘碑斷碣橫夕陽伊昔
東都全盛日朝陵儀制何煒煌金吾百里罷傳呼黃麾仗
絡鼎湖傍素衣步入司馬門百官鱗次鳴璆琅歲時二仲
尊宗正冬衣捧獻來嬪嬙七世相沿成故事青城禍起殊
淒涼懷愍蒙塵瑯琊南翠微不守熊羆亡驪山銀海九嶼
匣摸金何代無中郎神臺壘裂特諱詞南山雖錮得無戕

十二金牌棄兩河護陵劉湛空相償澗水流涸亦偶然可
憐父老夸禎祥五國遊魂置腦後含桃那問金粟岡轉眼
崖山颶風起蘭亭真帖尤堪傷冬青樹上靈禽飛法惠寺名
遙祀復何望雪晴日暖西京道昨朝夾馬今隋倉歷歷興
亡在眼底臨風三歎獨徬徨回頭卻憶陳橋驛黃袍擁戴
日無光

杜村陵墓

劉青藜

萬里清明節回頭憶北邙可憐出巫峽曾未到襄陽故國
三千里羈魂二十霜蹉跎稷契志終古恨茫茫

登鞏縣南城樓

劉青藜

鞏縣志卷二十六 文徵四

三

經川圖書館刊

獨上城南百尺樓山川迴合古東周螭碑萬笏插龍尾雉
堞千尋跨虎頭洛口倉空餘故壘平津橋斷冷荒洲東風
楊柳垂垂綠極目斜陽動客愁

鞏縣東看隔水桃花

府尹張漢

桃花能綠柳能紅互影含光晚日融四水交流山盡處三
春一半客愁中尋常島嶼仙源出咫尺烟雲驛路通竟敢
題詩詩聖里爲憐風物鞏城東

黑石關題壁

張漢

有水嶽嶽有石齒齒我數乘槎往來於此但記姓名功無
足紀萬山之上萬山之下杜當陽侯意何爲者問彼身後

名生前酒盃孰真假

詩聖祠

張漢

天縱詩將聖人驚筆有神禹臯元始志寒餒竟終身廟祀
忘鄉里石文記水濱瓣香吾所重此地獨尊親

石窟寺

呂謙恆

匹馬倦猶往啼鶯聲自和客來樵徑少松覆澗雲多奧蹟
占興廢孤遊寄嘯歌偶逢田父至話向北山阿

望宋陵作

桑調元

洛水春蕩瀟邙山高崔嵬山水映終古人事多興衰陳橋
黃袍擁鼎業東京開羣姦不破碎靖康釀奇災宋社旣南
遷艮嶽生蒿萊盤回七陵氣蕭瑟蒼山隈臯亭飛白燕舟
覆無遺骸江東燐火冷鬼哭冬青哀升高睇珠邱漭泆隔
風埃其誰腸木石不識昆明灰

杜工部祠

呂守曾

邛嶺東來勢不齊殘碑屹立河之西金蘇剝落字難捫空
來繫馬綠楊枝雞皮野老相邀坐淡水濃陰憩少時指點
路東新廟堂建自周南張太史額日詩聖杜工部當年篤
生在此里天地閒氣鍾一身穆然詩思含真宰一飮不敢
忘君國何但區區驚神鬼新安石壕恣苦吟西去北徵徒
憂死後世詩人皆師承契合非詩以性始太史名集傳河

洛爲聖者徒應如此有唐到今已千年請爲太史屈一指

聚山園

姚爾申邑人

東園肄業地風雨蔽數椽遙望五乳秀近窺白雲巔風光
圍斗室衆壑與堦連春和聽鳥啼秋深看鹿眠晴明文物
景陰雲太古天經歲覽勝概幽奇總無邊端居茅檐裏頓
爾忘塵緣游心仁義府畊我方寸田冬裘與夏葛奚復羨
餘錢爲憶陶靖節樂以望其年

到任

張乾二邑人

魚目休相混瓦珉不並列蓬蔴原自異苗莠當有別羣盜
方縱橫國運歎孰軀勦餉已不給始有練餉設生靈不可

鞏縣志卷二十六

文徵四

三

經川圖書館刊

盡民砦許自結乃有不軌徒乘機思草竊大則爲狹獮小
亦爲蠹蝨賊砦與民砦彼此相吞齧蔓延至今日厥禍最
爲烈余旣令斯邑奉命來簡閱民各宜自愛賊亦宜自潔
民旣能輸誠災肯爲爾輟賊若能歸化亦不終爾絕儻如
虎負嵎稔惡恣奸譎天兵一朝臨定不寬爾繼九族並一
邱俱爲鯨鯢滅皇恩似海闊勞來情切切甯爾非爾敵予
言不再說

詠古十首錄八

張乾二

邑人

子房本韓人功名乃在漢思辭四世知無計舒憤惋難憑
力士椎輕將七尺換仗策謁高皇帷幄藉翊勸西入咸陽

關國耻雪一旦列封雖晉留都將浮雲看功成卻歸來優
游恣泮渙乃知達人心何處可牽絆儻若東海死荆軻止
同斷不然學寒蟬亦僅四皓冠

子去歸江南我留戰冀北各有千秋業相期在努力臨行
再叮嚀勿忘家與國轉鬪虎豹場恢復荆與棘熱血何處
洒磨向戈頭墨事業雖未成壯哉英雄色至今劉越石豪
氣尙崩勞

陶令辭彭澤歸來儘日閑雲出本無心鳥倦自知還松菊
猶存處門設而常關偶逢送酒人悠然對南山胡爲詠荆
軻忽發壯士顏生平無限意長歌露一斑

鞏縣志卷二十六

文徵四

三

經川圖書館刊

荆山產白玉含暉動林樾卞和偶得之懷寶不忍沒持以
干楚王再獻再被刖乃知福之源卽是禍之窟至哉師有
言最能砭人骨沽之須待價何可輕相謁

孔明卧南陽已定三分計不遇湯若武且把柴門閉一朝
逢先主三顧煩聘幣如魚方得水君臣結真契南向取荆
襄東吳已控制西向取巴蜀遂成偏安勢渾一雖未能大
統續赤帝誰其嗣前軌當在典午際王導在晉元稍可見
經濟邇來數千年英風無人繼

吾聞陳希夷學通天人秘生當五季未欲睡不能睡騎驢
出華山思古太平事忽聞聖人興黃袍正大位適愜生平

懷一笑遂墮地反轡入烟霞安排枕與被從此干戈息不復勞夢寐

邱明盲于目乃成春秋傳龍門下蠶室史記文體變一時雖困阨文章千古擅回看綺袴兒真同塵土賤昌黎貶潮陽八代中僅見東坡謫儋耳海外爲後殿

淮陰下三齊威德已震主況復封假王要君與分土高鳥尙未盡狡兔尙未取姑留功狗在以待飛走捕一旦渾一成擒之不用武朝爲萬乘王暮作階下虜韜晦猶不知乃羞絳灌伍致令一女子玩之於掌股可憐蓋世豪受戮同刳殺豈知進食時漂母有先覩施恩不望報此義超千古

鞏縣志卷三十六

文徵四

三

經川圖書館刊

流民歎

張乾二

舉目乾坤正流血貌猶磨牙貌舐舌紛紛流民從西來更向何處避饕餮父棄子兮夫棄妻宛似鳥獸各東西瘡痍滿前看不得呼吸喘噓晝夜啼我見此狀中惻惻持粥相飯就道側流離播遷乃至此撫膺不覺長太息流民環集向我言此是天堂莫愁煩更有愁煩不可述述之恐君淚潺湲中有老人瘦杖屨自云秦人世農家子姓宗族最繁衍耕田鑿井爲生涯一從海內遭喪亂二十餘口盡糜爛我樵山中幸未歸九死一生脫大難死者已矣不足傷生者逃命在他鄉又聞他鄉賊更烈此身不知死何方又有

壯者前致詞家住雒南雒水湄前有流寇境上過全家被
擄無子遺老父剖腹爲馬槽老母剝皮飼犬獒嬌兒猶堪
作箭的反接懸竿百尺高妻女流落不可說我身長大賊
所悅朝朝鋤草充伴當一縷生命得不絕又有少婦亦告
子妾實走脫自刑餘翁姑丈夫飽刀鋸妾以紅顏載後車
車中有時偷眼望望見賊營夜打亮死骸積山燒蠟炬淤
血河流漂戈仗其後賊戰幸少挫官兵得妾向馬馱凌辱
萬端甚於賊忍憤含羞仰咳唾官兵再敗賊再勝乃得如
魚脫釜餓官兵卽賊賊卽兵兵賊何嘗有徑庭我聞此語
轉增涕試看寰宇何等世黃巢殺人八百萬今日胡能以

鞏縣志卷二十六 文徵四

三
經川圖書館刊

萬計高皇養士三百年臨危賴爾濟傾顛官兵卽賊賊卽
兵此言何堪入史編嗟爾流民命何窮誰向衽席拯哀鴻
眼看神州盡陸沈我欲叫天天夢夢

渡河

張乾二

大河泊渡水連天一劍隨身枕浪眠千古興亡多少事烟
波淼淼恨綿綿

秦鏡詞簡呈吳按臺

張乾二

明月一輪湛秋空說是秦家舊時銅秦時不知何處得鼓
鑄應是軒轅工後來秦氏失其明高帝提劍入咸京取鏡
懸挂在心頭知人善任發光瑩邇來二千有餘年神宗潛

伏在荒烟碧光紫氣人不識更從何處辨媼妍長白真人
初馭宇寶鏡重出光芒吐拔從泥塗加拂拭高懸仁壽照
九土前歲妖氛起涼州降魔何人揮戈矛幸而天心方厭
亂漸次撲滅豈人謀魍魅魍魎貪天祿變化人形同逐鹿
顛到皂白含妙巧白日充斥混魚目帝曰爾鏡能辨此尙
其持節渡渭水瓊瑤爲帶玉爲匣龍虎雀武彰身美秦中
原是舊遊地重來山川著靈異一照錢神皆破膽再照妖
狐盡墮淚山魃野怪咸貢狀歸來獻俘形廷上驅逐流放
正國刑從此陸海無波浪帝曰是役惟乃力侯乃容城鐵
券勒氏乃曰龍名曰護尙往欽哉卽乃國我本山雞性復
癡愧無五采作羽儀託君餘照爲君舞舞斷雙翎君應喚

青龍山洞

孫汝工
邑人

攜筇信步入山隈古洞幽深翠柏栽路向荒陰留白雪門
臨石磴長青苔塵封佛像無今昔遊歷人蹤有去來閒覓
殘碑摹古篆夕陽欹下幾徘徊

古意

孫汝工

相思已數年相見偏不語君心自知妾妾意羞難舉歡娛
有百千聞別淚如雨

將夕洛水上

曹鵬翊
邑人

傍晚蒼茫意何知造物閑波搖西落日影動北邙山暮鳥

鳴前渡歸樵走下灣吾生波浪裏淡淡解愁顏

石窟寺

焦侗

森森長川天際來急流迴處寺門開洞深蘿薜疑無路境
入烟霞別有臺殿角山泉常濺雨壁間石像半侵苔逢僧
偶借蒲團坐話到無心萬想灰

嚴子陵祠

熊攀龍

客星遺像古眉宇自高寒落落桐江上千秋一釣竿

夏日竹林寺覓竹

趙作人 邑人

竹院行來暑氣蘇問僧肯乞此君無數竿移種茅簷下風
雨瀟瀟伴老夫

小憩亭

邑令陳龍章

十載芝田轉眼過茅亭小築近岩阿攜來綠綺隨身久醉
後青山入夢多微雨頻翻裁菊譜薰風時送採蓮歌
嫌
斗室惟容膝且免星軺動薜蘿

田氏紫荆里

翁志琦

田氏遺墟沒草萊春風猶見紫荆開願攜當日連枝種分
與人間處處栽

齋中雜詠

八首錄六

孫枝榮 邑人

幽居探元妙茫然到無始鈍拙非所計自號大樸子美人
在雲端折蘭招心喜吾猶謂多事掉頭不之起

掩關絕人事一病抱此身高枕懶調藥獨坐自凝神有時
一樽酒感激到古人戶外聞太息恍惚若爲真
由來用智短況我賦性愚有時誠至處詐者亦信余乃知
物無乖斯人皆吾徒魍魎與魑魅曾敢相怨無
尋勝不辭疲著屐登南山茫然一回首念及天地間天地
已生我此生亦胡然歸來齋中坐明月照闌干
漢有江都相一朝策賢良誰知天地心窺之在深藏繁露
八十卷聖筆獲紀綱淺於論古人但道治公羊
古風久不傳八代代益甚唐興有陳子慨然以爲任李杜
大手筆一一出其蔭此風今已衰使我淚不禁

鞏縣志卷二十六

文徵四

三

經川圖書館刊

青龍山紀遊

三首

孫枝榮

邑人

主人一杯酒勞我遊山屐山行入冷溝冰雪太古積風烈
巖石落泉脈凍滴瀝亂峯碧插天天光露微白雲際忽燒
紅心知日已夕同行四五人箇箇無停策樵夫炊寒烟吼
之反見責下有老龍潭深蟠千餘尺語聲不自檢十月起

霹靂

冷溝

夜抵慈雲寺山色隱昏黑寺僧謹管鑰戒我夜無出晨起
急登尋虎跡傍門室猿猴羣引至相將矚朝日照羣峯
上峯峯弄顏色喜與懼交加我遊如不克

慈雲寺

山行隨溪轉危磴傍巖高日者苦多病數日興猶豪突見

石人山攬衣便山椒峯連三千黛拱峙分嶠嶢蒼然一石
丈太素容不彫不知何代人獨立化層霄得非遜世士白
雲鎖寂寥淮南有小山山中漫相招

石人峯

館蘇五詠

孫枝榮

落翠亭

一亭對南山山翠翠欲落好雨憐昨夜峯巒淨如濯生涯
亦何寄相酬以春酌

垂柳塘

塘水綠溶溶塘邊多垂柳春色本無私已到此間久何事
千載上獨爾靖節有

鞏縣志卷二十六 文徵四

三

經川圖書館刊

古蘇堡

人代不可紀堡障存古蘇至今芳草色青青不肯枯于何
稽明德使我空踟躕

水北渡

渡口寂無人夾岸春草生時見白鷺下波閒戲新晴吾亦
愛閒遊兩心各不驚

釣魚灣

把釣翁爲誰日日坐釣磯吾每川上遊相逢不相知日暮
長歌去吾亦沿流歸

杜工部祠

孫枝榮

麻鞋傳舊史，豆壠謫文僊。舉世推詩伯，無家老暮年。夢中秦邸第，客裏蜀山川。寂寞千秋後，靈歸故井烟。

月夜行舟

孫枝榮

薄暮下征馬，黃昏登賈船。賈船載明月，橫照蘆葦間。崖上蘆葦斷，且續離離村。落來復去誰，家夜深猶捲簾。應是秋思最多處。

咏古

孫枝榮

力不挽石射不貫，札衛霍門下士封侯十七八。是時雲中舊飛將，閒坐田間話塞上。

答曹慎堂

并小引

焦萬年

邑人

前呈俚詞，佇望開飲，接讀來札，復以七年之功，破戒非易，爲辭咄酒葦，都是幻影，何苦認幻成真。卽此未能解脫，又是一重公案。因徼來札說法之意，作斷句四首，用代說偈，伏願握定光明拳，打破痴迷膜，除卻煩惱緣，同登歡喜地，正無用面壁三思，致吃當頭一棒也。呵呵錄呈。

曾否臨風挂酒瓢，七年公案待今銷。早除煩惱歸歡喜，免使豐干舌再饒。

五柳三閭孰是非，樽前且話箭鋒機。從知醉裏真如現，好向蘭陵學皈依。

周妻何肉根塵在奚獨傷生是酒杯七載不知收效否祇
今臨酌尙徘徊

世味既同泡影幻閒情漫比絮泥沾箇中三昧君參透學
佛成仙兩不嫌

咏倉西牛王廟古柏

曹肅諭
邑人

廟旁古柏大數十圍根盤崖上幹插溝底曲折天
矯髣髴渴龍奔澗而虬枝倒起又若回身露爪相
傳李密據洛口倉建厥神祠於其地此必隋唐間
物也率成二律以志弔古

鞏縣志卷二十六 文徵四

三
經川圖書館刊

身倒攬嶺頭雲枝摩劍戟當空舞濤鼓雷霆入夜聞割據
英雄今已矣蒲山事業不如君
李密自號蒲山公

任子愚溪三節事畧題辭 并引

曹肅諭

余少時就試洛陽與愚溪訂金蘭好以通家禮晉
謁中堂伯母劉太孺人垂白扶杖道及生平守節
事自金陵遷洛兩子繼逝輒欷歔泣下又請拜嫂
氏王孺人孺人未出見也然其苦志堅貞愚溪時
爲余垂涕言之並述胡女投繯狀將謀迎觀歸里
與堂仲兄合辭以可否質余余曰伯母兩婦一貞
一烈貞者不敢從死而事生烈者不逮事生而從

死事生孝也從死亦義也各成其志奚爲不可伯
母可謂有嗣音矣嘉慶初愚溪館睢陽郵寄三節
事畧屬余題辭余讀之一一皆昔時熟聞語爰括
其巔末賦詩一章而爲之誌

君不見大松樹下竹與梅剛風百折節不回又不見白石
根邊霜與雪清瑩一色競比潔洛陽任氏遭數奇姑婦三
節世所稀劉母早嫠家金陵情甘茹茶更茹冰去井離鄉
三千里午夜丸熊課二子誰知苦境萃一門幽蘭玉樹相
繼焚血淚吞時聲已哽爲謀繼嗣絕復甦王氏矢志亦能
賢毀容截髮伴姑眠高堂日日供旨甘婦代子職女如男

鞏縣志卷二十六

文徵四

三

經川圖書館刊

刺指易食真純孝倚姪慶兒承歡笑更有胡家女中豪香
閨誓切守清操母氏溫言未肯從怒目叱嗔不改容旋復
窺鏡對窗紗戲爲小妹起簪花歡言慰母母无傷從容歛
步出中堂半疋羅纒三尺樹此是癡兒盡節處傷哉任氏
三節苦兒亡並无孤可撫卓哉任氏三節賢其人其事信
可傳劉母七十壽且康與婦日月並爭光貞者如石烈如
金各成其志兩甘心坤元正氣塞宇宙堂前淑媛閨中秀
鬚眉巾幗語不虛後先濟美更何如古來義節垂青汗採
風補入列女傳

蔭宮杜生赴都入監作此送之

曹肅論

學步邯鄲道燕都策馬行璧池春月曉槐市午風清序列
金鐘位音傳石鼓聲潛心勤大業上苑最先鳴

散館留別諸生

曹肅論

作客憐親老言歸返敝廬書山斜月冷講坐片雲孤篋底
詩千首燈前酒一盃草堂人靜夜瀟灑憶吾徒

農家四時樂

康

誥

邑人

田家之樂樂如何聽我爲君歌農歌三春不待新節去家
家糞田仗驢駝農事未興思一笑春薺可采魚可釣大小
歡呼東西舍擊鼓坎坎賽春社清明前後雨一犁種得棉
花生柔荑桃杏花開雨初晴東家西家蠶事興鏡奩蠶出

鞏縣志卷二十六 文徵四

三

經川圖書館刊

黑蟻小數口卽白白更好舍前舍後百本桑婦女採桑上
女牆晨興忽聞布穀聲荷鋤平踏麥隴青蠶食桑葉三眠
起春去夏來四月裏農事將忙稼在目婦功先催蠶上簇
遍地高插草一束草上纍纍可盈掬小麥青青大麥黃大
家小家盡登場崇墉比櫛堆高秧滿平困廩實倉箱特地
加力磨霜鎌今年麥勝似去年穗多粒飽三倍熟壓折人
肩橫車軸農言喜得春雨足對婦誇張粒如玉婦方摘繭
色色新黃黃白白如金銀黃白壘壘不厭多繭壳蠕動飛
黃蛾大婦懽忻喜不勝縑絲煮繭織吳綾織成吳綾不愁
賣得錢正可償春債黑雲白雨聲簌簌地膏土潤種早穀

堆得角黍度端午端午前後不望雨五月恰旱六月陰大雨傾盆偏稱心三日五日率一雨雨來洗卻三伏暑鋤得時莠不生灘頭嘉穀早長成夫語婦兮婦敬聽捆載頗覺擔頭輕我方收穫爾提籃兒女快摘嶺上棉樂此不疲秋七月農家不知牛女節黃雲萬頃晚稼登家家場中打稻聲到處春烟炊菰米舂去芒針稻不秕八月九月農更忙忙中自有樂深藏穫穀穫稻穫高粱刈黍刈稷刈豆秧白棉赤米堆滿廂黃柿紅棗挂滿墻豐收大有報秋賽麥畦隙地還種菜菜種蕪菁並白芥隆冬菜去麥無碍三時勤動閒在冬塞向墻戶避北風老農取草補茅屋農子負

鞏縣志卷二十六 文徵四

三

經川圖書館刊

芻牧黃犢米新麩陳釀酒香左右鄰家互相嘗小嬰大嬰合瓶鑄青松綠韭謹蓄藏歲時伏臘樂未央租稞輸完卽仙鄉菽水得意事父母葬祭竭力稱薄厚娶妻須娶農家女勤儉樸陋好作壻嫁女嫁爲農家婦布裙荆釵順舅姑生子聘婦不出鄉丈人峯插南北莊新婦三日入廚房先遣小姑嘗羹湯小姑頭挽雙髻了插鬢不過牽牛花長成嫁與東西家柴門相對不上車當戶夜織聲唧啞慣隨阿母供桑麻農家並非不曉事有兒學牧不學字人情何嘗參不透有女學績不學繡骨肉親友最認真不憑面孔只憑心冠婚燕會節與年省卻多少浪周旋相見並無許多

禮何須僕僕拜跪起主賓一笑當戶立短袖長拳作高揖
不御梁肉不葛裘不乘車馬騎烏牛不慣脅肩不僮僕不
解俯伏不叩頭不涉江海不登山不會離別會團圞誰知
農家無憂慮誰知農家有深趣四時之樂樂有餘聽我農
歌樂如何

春日雜興

劉潛邑人

鸛鳴忽驚耳仰視橫空來遽集淺瀨中歛翼無徘徊近在
咫尺間相顧不相猜我昔苦寡歡此際契胸懷清高兼奇
雅願得結同儕魯叟適山梁所以歎時哉

余本窮巷士亦愛富貴花燦燦耀疎籬春色暮景嘉有友

鞏縣志卷二十六 文徵四

三

經川圖書館刊

來相訪挈壺坐平沙醉倒錦繡間相顧樂無涯但覺天地
濶不知夕陽斜起坐待明月毋惹風雨嗟

山中雨初晴登山采野蔬行未及山半白雲澹欲無巖花
雜紅紫回首滿來途異禽鼓奇響天然調笙竽耳謀與目
課獨坐得所娛一旬猶未盈倏然返蓬廬

才驚杏花落旋訝桃花凋皎皎梨花樹又復風雨飄歲月
不相待少壯空勞騷古人邈難追詩書屢相招惟茲口耳
學終恐愧芻蕘百年同寸晷著鞭在崇朝

布穀叫林柯破我晨旦夢披衣冒朝烟荷鋤事勤動石田
東陵上麥苗垂露重踏露理荒穢淵明詩朗誦沾足情所

適身舍道自用敢學阮生狂妄發窮簷慟

門外千頭柳一株舞清風園中數畦韭萬葉翦還生蛺蝶
戀夕陽白翻芳草英莓苔媚墻陰綠抱幽石貞翩翩兩黃
鸝婉轉繞樹鳴此日誠何日欲問已忘情

晨起趨山田剔除初生茁晚歸卧蓬廬玩弄破窗月月色
照我室我情爲飛越游心不拘境窮通何足咄脊令忽一
鳴憂思來勃勃忝生誠所愧輾轉念明發

九日紀遊

劉潛

一徑出南嶺是爲九山麓越谿躡其背風勢正急蹙並力
相攜持乃能稍定足西北望邾鄆繡壤錯且復少室形如
削卓立千古獨遙墟起孤烟飄忽任馳逐

鞏縣志卷二十六

文徵四

三

經川圖書館刊

至日紀遊

劉潛

帶醉仍縱遊斷嶺逢谿歇兩崖邃且深奇險過伊闕漸入
氣溫暖寒泉凍弗結上有萬年柏保真戴華髮下有千歲
鶴修翎銀光發定有仙人居方將窮搜謁忽聞霹靂聲巨
石墜崑岬驚看日西沈歸途引明月

遊蒲池

劉潛

在山何澄清出山何澎湃歎然東石渠激盪遂東邁傍崖
亂楊柳綠岸雜蒲稗急流入石罅聒聒如清話
憶昔文教興此間盛遊曷蒲池固多蒲菱荷開紅白亭館

依修竹掩映標奇格於今悵衰歇泉石隔寒月

下山歌

劉潛

置身絕頂心豁悟俯視黃河向東注有風遠從嵩高來吹
我襟裾霑花露別峯探得異香歸此舉定觸山靈怒不然
何以行未及山半忽有懸石臨歧路岌業巍峩當我頭欲
落不落如相怖乃知山靈固多私有求不已卽見惡驅使
鴟鴞盤空翻惡聲啁啾不肯住須臾陰瘴四山合到此誰
能任氣數拔劍橫斷妖氛開從容捧持下山去君不見荆
楚貞臣招魂賦惟恐靈爽陷烟霧又不見杜陵野老桃竹
杖每憂蛟龍肆覬覦

鞏縣志卷二十六 文徵四

三

經川圖書館刊

適老二首

段爲章

邑人

老來探蹟奧一卷太玄經消息靜中化生成動處靈惟堅
心守白不惹眼翻青任運無留滯何煩勞我形
道德求諸已沽名便失真恬然淡嗜慾爽矣裕精神靜旨
探原委動機察本因希夷無所逆活潑盡天真

示兒輩經營太和谷山莊

段爲章

巖穴向陽好氤氳滿谷春渾忘時俗化最洽古風淳雞犬
藏深曲桑蔭比鄰讀耕無事外相與樂天真
遂生好景界無過是山家春色五株柳秋香三徑花研硃
堪註易汲水可烹茶託足不求侈墻垣竹作笆

與徐鶴齋敘舊有感

段為章

官閣投餐久萃原任嘯歌夜深燒燭短晝永品茶多形影
休嫌瘦鬚眉且任皤非常道解悟相慰養天和

園中寓目

段為章

日透烟花散園林景物饒櫻桃紅破嘴楊柳綠舒腰蟻穴
乘陽啟蜂衙傍午朝化機生動處適趣任陶陶

柳下

段為章

冉冉三春景悠悠百歲心從知朝與夕即是古和今酒不
辭微醉詩惟任漫吟婆娑柳樹下側耳聽鳴禽

遣興

段為章

鞏縣志卷二十六

文徵四

三

經川圖書館刊

萬事雲翻影一生浪激花忘機愁不累適趣樂何嗟桑苧
淵明里溪山靈運家隨時任曠蕩扶杖看烟霞

李元閣孝廉下第旋里

仗策長安十載遊歸來風雨暮山秋漢廷未許遺王霸唐
室終當起馬周國餉西輸天地急洪河東決日星浮

南三省
被災

明年人鏡芙蓉下看取當筵借箸籌

元日懷草窗元閣

錄一

張子鵠

邑人

默數清遊記往時嬰梁洛汭雨縈思談傾歐座劉原父文
繼韓門李習之雪裏春回寒亦暖梅邊臘盡去還遲圍爐
呵凍自箋始首向綺窗憶所知

有感二首

張子鵠

攤書祛世慮酌酒洗塵緣作客非長策歸耕有薄田請纓
平夙志投筆悔頻年時一吟梁甫蹉跎愧昔賢

太室羣峯護芝田十畝閑晚鐘鳴石窟秋月湛緱山遠岫
行雲駐平林倦鳥還艱辛千里路魂夢繞鄉關

羽林莊雙柏之作

張子鵠

翠蓋高張拂曉烟蕭齋相伴歎年年紫紅隊裏誰相向冰
雪叢中獨見憐月下無聲巢鶴夢風前有影動琴絃離亭
一曲丹楓落惆悵斜陽歲暮天

望嵩

張子鵠

鞏縣志卷二十六 文徵四

无

經川圖書館刊

峻極瞻維嶽蒼茫接太空根原盤地軸勢自壓天中今古
陰陽合乾坤指顧通會當凌絕頂日出看瞳矐

自娛

段爲袞

邑人

清風掃竹扇明月伴書帷日醉花前酒知交莫說希

田家四樂

張凌雲

邑人

得得和風披面吹平疇如繡雨如絲布穀喚倉庚飛細麥
輕花落日遲 長夏稻畦綠正肥薰風陣陣吹蓑衣人

影亂夕陽低荷鋤恰趁晚涼歸

豆花落水水無波羸

得西風上短蓑場圃築倉箱多夕陽影裏太平歌

同

雲不動雪平鋪一年辛苦幸少蘇茅屋補酒滿壺家家婦

子盡懽呼

五日飲安溪宅

張凌雲

邛山之麓洛之涯斗大蕭齋處士家中有故人號安溪氣
味淡於玉梅花梅花蕭疎最宜人君亦爛熳見天真冷眼
從來不附熱每與狂士臭味親疎狂如子更莽鹵忘年續
入金蘭譜屈指花晨數舊遊與君往還什之五五月五日
正端陽舉世盡爲三閭狂纏菰角黍非吾事且酌蒲樽共
徜徉徜徉竟日未肯罷我卜其晝君卜夜相偕相伴入斗
室清風明月知無價座中于陽更清芬議論樸拙不尙文
對坐談劇渾無礙披肝露膽持贈君君家伉儷頗賢淑有

鞏縣志卷二十六 文徵四

罕

經川圖書館刊

子連珠稱式穀林兒雍雍捧盤餐竹兒嬌小自端肅如此
清貧靜中過與世無求樂事多君爲我言不得意我爲君
唱扶風歌卽今世人鬧端午風流何處非荆楚湘妃爭唱
迎神曲山鬼齊伐招魂鼓此時疇能稱獨醒堪弔汨羅屈
子靈爭似吾曹共杯酌兀然一醉夜未暝醉後白眼看清
天天上今夕是何年欲著謝公雲霞屐摘取星晨當酒錢
忽然一陣狂風起吹送更漏夜入子冉冉流光共水逝須
臾千古都如此噫嘻日月爲誰留轉眼長夏又清秋功名
富貴會有時莫爲無成歎白頭

夢遊慈雲寺

張凌雲

秋天空秋氣衝秋風颼颼秋雲重秋水盈盈含翠翳秋山
面面削芙蓉我乃宋玉驚秋客秋來每嫌眼界窄一夜飛
夢入林泉琪花瑤草仙人宅浮戲山色列翠屏亂峯削另
鬱青青頃刻雲山落吾手飄然直上謁山靈山靈引入招提
境石弄泉聲水氣冷降魔天嬌噴嵐光寺前有青龍蜿蜒
飛雲影寺之右有青欲叩天門步無樓寺南有松風長吼
海天秋無邊濤聲捲木葉吹墮梧影碧雲流引領還登寺
之麓峯名二老摩頂禿寺之後有二二老何年跨鶴去剩
有白雲鎖松屋到來意興迥不凡捷足一躍踞巉巖懸崖
壁立千百仞不攀荆棘攀松杉忽然法鼓鳴清晝慈雲寺

鞏縣志卷二十六

文徵四

望

經川圖書館刊

僧金罍奏簷前紛飛天雨花仙雲靄靄出層岫岫雲亂起
烟淒迷長空杳杳鳴天雞上捫星辰苦有路下臨洞壑疑
無蹊須臾報道佛光現蒼茫雲海蒸奇變爛似慶雲暈若
霞林巖五色增蔥蒨靈妙道真難名鐵笛一聲暮烟橫疑
是子建遮須國直到法華險道城法華經云法華道師多
諸方便於險道中化作
城一揖讓側坐仙人裏左右黃石赤松子真人餐我金液丹
玉女贈我珊瑚樹振衣長嘯躡雲端滄海如掬山如拳白
鶴健飛勢凌厲神龍欲下復盤旋憑虛一身輕如紙東遊
石城西羅水指點奇峯五十三欲探風月幾千里風爲馬
兮霓爲裳雲爲車兮驂翱翔忽魂悸兮以魄動覺來蕭索

夜正長人生大夢亦如此利鎖名韁胡爲爾從此窺見造化奇盡捲乾坤入詩筆

觀飛泉圖

張凌雲

盡幅崛起千仞峯巉巖峭削插清空非虛非浮非我眉疑嶠疑壺疑瀛蓬似此奇觀真罕覩不在名山三十六部之籙中我欲因之訪畫師是誰老筆寫崑龍跌宕揮灑得畫理烟林霧樹皆可喜飛泉卻出沓嶂間山卽真山水真水山亦明秀萬壑開烟雲飄渺現樓臺懸崖瀑布盱愕貽睛天如聞風雨來溪邊二老顏色異偶坐似是莊與惠逍遙共得濠上樂悠然誰識臨淵意高人棲遲碧山堂渾是一

鞏縣志卷二十六

文徵四

望

經川圖書館刊

片水雲鄉維我素有烟霞癖對此不覺神飛揚安得畫師畫元圃出入真人並王母中有五城十二樓瑤林珠樹挂蓬戶卧遊常與神仙接尻輪神馬生鼓舞噫噓嘻幻哉快哉亦壯哉但覺仙風珊珊爲我洗塵埃

戲題宋西亭青雲梯說

張凌雲

競說青雲路豔稱青雲梯折得蟾宮桂名在雁塔題西亭宋子不謂然別有雲梯堪攀躋我聞學有上達道有岸聖人堂奧與天齊美大神聖真高妙此中層階自可稽導我前者濂濬關閩諸夫子鼓我氣者江都長沙韓昌黎龍門拔風相推輓子雲相如共攜提一級一級勢愈難行行不

敢半塗棲直上太虛八十四萬里俯瞰三十六部名山低
矯首揚聲叫閭闔闔闔碎然開兩扉鞠躬再拜謁上帝上
帝曰都我有綸綍汝掌之酌汝九霞觴中酒餐汝九陽鼎
內珍珠麩上與日月爭光輝下與塵世掃糠粃千秋事業
惟汝爲汝往欽哉勿躊躇噫噓嘻快乎高矣並美矣瓊樓
玉宇切仰止巖嶮兀立天地間青雲之梯端在此君不見
高才捷足登龍虎攀龍附鳳忻鼓舞雲梯幻作韁與鎖浮
名終歸塵與土

齋中陶室

張凌雲

鑿土聊成窟塗泥便是墻惟茲容膝地合作讀書堂放眼

鞏縣志卷二十六

文徵四

望

經川圖書館刊

乾坤大舒懷日月長柴門常自掩高卧擬羲皇

跋曹遵三游草後

張凌雲

衝風冒雪下黃岡

敘云於臘一日起程

滿拾珠璣入錦囊山水別

開真面目

草中有過梅山暨江行諸詠

鳶魚點化大文章

又有食魚思雁所詠

親夢繞家千里

草中有臘入目慈壽感懷一章

別友腰懸劍一張

別友有行李一

肩劍一

潦倒愁吟誰得似感懷欲辦少陵香

自敘云余與少陵居同里

難同遭所依又有同情非敢謂辦香公詩聊以誌潦倒愁吟曠百世而相感云

過賀元鼎山莊

李夢蛟

邑人

地古山川秀人稱第一流琴書清有韻詩酒淡無憂谷深
伏牛路河明挂鼓樓不知桑柘裏高卧幾經秋

松筠任生合卷詩以示之

李夢蛟

萬化先男女婚姻乃大倫而今看醮子此後是成人勿使
心時放以求學日新東萊傳博議稽古好為鄰

嵩廬兄廬墓

李夢蛟

親懷三年免廬墓亦三年寧云足相酌子心終缺然吾兄
全孺慕依依二人前无何椿萱落谷口卜牛眠朝哭九山
雲暮哭九山烟雲烟哭不已歲月悵遞遷人生有大節百
行孝獨先似此報春暉真堪啼杜鵑不見荒荆上悲風生
暮天

無題

劉凌漢

鞏縣志卷二十六

文徵四

署

經川圖書館刊

躁人詞常多閨門亦齟齬每當反目時相對無一語子自
繙書籍爾自整線縷相敬不如梁同客有愧吕須當問刑
于漫云非吾侶試與詠詩歌谷風致陰雨責人應兩失徒
自託清醕

題漢留侯訪赤松子圖

李桂齡

將相襟期婦女容如侯乃是人中龍一生作用根黃石晚
節功名靠赤松劍氣猶餘滄海壯馬蹄已帶野花濃回頭
笑問來時路嶺外浮雲有幾重

恭和平泉先生新春截句

劉瑞律

淑氣遲遲戶半扃塵氛不到子雲亭閒中細檢春多少纔

有長楊眼杼青

晴空蕩漾裊游絲正是寒光乍退時最愛和風來座上催
人早賦冶春詞

感懷亡室

馮安常 邑人

當卿屬纊日是我正中年高堂有老親兒女劇可憐遺此
千金擔挑向何人肩俯仰難為地思欲續斷絃豈知家落
寞到處惹人嫌慨然許婚嫁轉瞬忽變遷曾藏五車書何
如半頃田文扛百斛鼎何如執牛鞭清操厲冰雪何如逐
腥膻生平負虛名畫餅不值錢感此傷我心萬箭一齊穿
呼卿卿不應淚下如流泉有卿寧覺好今始知卿賢百凡
不如意空空憶從前

鞏縣志卷二十六

文徵四

畧

經川圖書館刊

無題

馮安常

舟子沈沈睡夢中醒來可到夕陽紅連忙解纜休留戀趁
得前頭是順風

詠青龍峰石人

閻梅 邑人

閻中高士靜中禪世外奇人塵外仙一頂圓光摩日月千
秋瘦骨挂雲烟應偕岳丈同觀海曾為媪皇密補天認得
老兒惟米芾肅然袍笏拜當年

和王菱江遊嵩陽原韻 錄一

王裕甲 邑人

篆文蟠曲折雙闕共苔荒字斷神猶勁雲崩石不僵古今

歷時代造化故留藏碧落碑雖妙觀來未足當 啟母石闕

凶年書事十二首 錄二

王裕甲

村里蕭然四壁空他鄉覓食各西東釜鬻擔荷塵容黑妻
子牽連淚眼紅儘日哀鳴同旅雁長途轉徙類飛蓬流離
縱使圖堪獻難繪嚴霜與烈風

婉變堪憐季女饑異方販去貨居奇囊空易斷夫妻愛食
盡難全父母慈頻望前途期後會轉歎死別勝生離無愁
惟有庭前月漸漸團圓似舊時

贈張又碩頌

王裕甲

高士幽居水石邊邛雲洛樹繞門前家風久著三蘇勝科

鞏縣志卷二十六 文徵四

吳 經川圖書館刊

第應同二宋傳兵燹震驚川欲沸琴書剝喪磬空懸災由
先安心何病境遇窮通且任天

過鞏縣東站書座師華陽相國卓公謁杜工部祠題

壁詩後并引

徐光第

相國原詩云憑弔詩人過舊墟荒蕪迥異浣花居
何時持節能來豫眼底荆榛爲翦除公本蜀人故
借浣花草堂託諷末書道光四年八月七日海帆
題壁屈指已三十四載矣憶公決獄衡文奉命出
使者不一次而獨未來豫以償舊願十年宰相久
已騎箕余以公門老弟子槎觸舊章撫今追昔爲

書四絕於後以抒感慨

萬間廣厦士無寒猶記休休相度寬杜老有知應一快吾
廬獨破也心安

卅載光陰疾若奔蛛絲蝸篆澆題痕便教持節曾來此古
壁紗籠詎猶存

浣花溪上舊吟牋曾與詩王訂後緣此卽西州門外路令
人一讀一潸然

翦除榛莽竟何時夙願空留壁上詩陸氏荒莊同一慨不
須重問少陵祠

醉歌行贈陳品齋

榮增

卽以留別

崔嵩喬

邑人

鞏縣志卷二十六

文徵四

七

經川圖書館刊

雪花飄飄大如手陳君餞我飲旨酒一時相邀盡酒人我
今不醉復何有君是當代劉季倫與酒幻成未了因幾回
欲戒戒不得興酣踏破甕頭春自言少年赴帝京潦倒燕
山滯行旌故鄉望斷千里外海濶天長路難行旅館孤燈
雨瀟瀟終日懊惱無昏曉平生謬說出門易到此方知在
家好消愁無別方遣興自有道提榼喚村童爲我酤清醪
五斗不爲多三升不爲少經宿盡此壺中物庶將困頓抑
鬱一齊掃邇時只期慰牢騷不料五十年來竟與紅封綠
友絕不了昨日設綺筵正值雨雪天我今捲帳歸彈指已
三年人生離合亦常然相對何必情悁悁與君同是醉鄉

人且復痛飲共追懽銀燭高張列旗鼓睜眼豎鬚將力努
十指疊戰爭勝負文人也似武夫武鬪厥一聲哮如虎滿
座賓客悄無語座中觀賓環如堵震煞焦三

寶書

與陳五

玉堂

天公也爲張聲勢六出雪花肆飛舞盛哉此宴足千
年區區年華何足數大家忘形到爾汝誰是賓朋誰是主
狂來語言多支離那管旁人笑儒腐我今直拚此一醉庶
幾倒卧西窗忘此三年一旦別離苦

騎驢吟贈范彝齋

崔嵩喬

君不見杜陵老去尙無家卅載騎驢客京華又不見太白
騎驢華陰行縣宰無端問姓名羨君日行無百里長遊卻

鞏縣志卷二十六

文徵四

吳

經川圖書館刊

愛南山裏忽聞夜雪鞏梅春一路探花覓不已不踏九衢
塵山村亦覺好不肯過縣門省被宰官惱鳥語花香助吟
情水谷山色增詩稿雲峯乍湧一輪高明月催歸別路遙
牘有新詩吟未穩帶將驢背作推敲

送趙修來北上

崔嵩喬

蟾宮丹桂和雲栽衢路先登早折回

十七膺鄉荐

人是無雙稱

國士我聽第一響春雷得珠端要探驪手奪錦爭看倚馬
才自古文章原有價班生此去亦仙哉

丙午秋闈報罷諸同人具酒相慰賦詩呈覽

崔嵩喬

結髮從戎二十年

報日王霖三以出師吟見寄故云

凱歌待唱晚涼天封

侯已去官多貴射虎空談數有權短笛聲淒吹夜月焦桐

絃冷爨秋烟此生未必全無用爭奈霜絲繞鬢邊

西風瑟瑟透衣寒舉酒當筵慘不歡含淚偶逢知己落無

才終覺報君難飛鴻響遠秋書恨老桂花飄古木殘慚愧

諸公來過我年年雲路望鵬搏

倏忽雲泥竟不同蒼蒼何處問窮通村醪拚醉重陽節霜

杵敲殘午夜風按劍祇因投闇昧捉刀或可辨英雄上書

休怪人頻逐爲說秦王術未工

也知身外是浮名石火光中寄此生未免炎涼多世態難

鞏縣志卷二十六 文徵四

吳

經川圖書館刊

忘得失亦人情幾回謬算思投筆一第無能况請纓薄有

園田歸去好杏花烟裏課春耕

癸卯遊五雲山

張啟元

聞說名山此最幽幾回夢想今來遊振衣直上岡千仞屈指
恰逢歲九秋石上任憑高士卧空中只許白雲浮謝公屐齒
徧天下不識也曾到此不

涵萬太翁小引

丁元熏

邑人

偉矣張夫子書林第一枝持躬真碩士濟世亦名醫相見
便呼酒乘閒愛作詩宵深猶燃燭正讀隨園時

病目引

王嵩生

邑人

業從吉凶生功則鬼神佐向使非病目如何肯靜坐靜坐
百日餘省出自已過讀書但上口枉自推空磨辜負古聖
賢廉頑與立懦平生負意氣不受一毫挫庸知今若此理
合千刀剝甘心千刀剝何事拗不過苦海一回首勢如竹
之破於獨密以慎於行嚴以課無忘坎之險還凜離之錯
汲汲毋欲速循循毋敢惰心在腔子裏身同天台卧回首
憶從前直是舟無舵耳目任其引手足無所措不管是與
非焉知惡與禍看來者一病可欣更可賀

春遊

孫函三
邑人

山容如笑翠如眉正是尋芳闌草時幾處踏歌人擾擾芒

鞏縣志卷二十六 文徵四

辛

經川圖書館刊

鞋竹杖上青獅

一樹桃花映澗紅濃香撲過小橋東誰家院落春如許戲

蝶紛紛鬧午風

喜雨吟集唐

孫函三

夜雨滴空階千珠簷下墜池塘草漸生茸茸添新翠桃花
帶雨濃嬌豔千般媚攜酒去看花酒酣花亦醉南湖夜來
雨點點墜波心曉起看新漲潮痕幾許深夜來風雨聲片
片花爭落花落子初生漫言風雨惡

久雨吟集唐

孫函三

既雨晴亦佳如何天地閉連宵枕上聞簷溜聲聲細夜雨

滴空階驚心還恍目時聞瀑布聲恐壞魚鱗屋雨從天上
落銀漢勢如傾不耐鳴泉聒青蛙竈裏生密雨如散絲重
重遮宇宙願爲鍊石人暫補青天漏

喜雪吟集唐

孫函三

雲垂雪意凝雲起日沈閣莫道北風涼梅花當戶落只言
花似雪雪更白於花花雪休相妬同歸處士家絳雪下仙
家柴門無客過那知雪有情留伴袁安卧風雪夜歸人滿
身沾玉屑無瑕品自超炙手何須熱

遊家師竹觀察小園看牡丹

孫道恕 邑人

小園半畝頗幽清薄暮偷閒輒一行最是流鶯能解意迎

鞏縣志卷二十六

文徵四

五

經川圖書館刊

門先叫兩三聲

館壁懸畫魚一幅戲題

宋之奎 邑人

天生食客寄他鄉東道多情勝孟嘗莫唱歸來彈鋏曲案
頭盈尺挂河魴

夏日過竹軒先生山齋

宋之奎

欲從何處覓仙鄉但到幽居便納涼四壁雲山修士宅一
庭花草讀書堂交非在酒偏多飲友可論文拙不藏話久
那知歸路晚蟬聲無數噪斜陽

石窟寺題壁

張 栗

鑿洞者誰氏工力疑鬼神如來無我相忽得許多身鋪張

千載上奇譎到於今徒存舊日蹟不見舊日春宿雲蝙蝠飛
破積土蛇印新頂裂月補面胸開雨洗心苔紋續脫袖草
色緣敗巾丐夫熏朝暮白晝亦陰森佛法雖云樂我輩佛
亦顰每在招提游未忍作啞喑寄此鄙言辭留質箇中人
懷馮樸園夫子

董以威 邑人

捧喝當頭幾度經春醅滿酌醉初醒年來未步蓮花月辜

負窗前草色青

鞏城春日卽事

孫友信 邑人

春草連城綠人家傍水涯夕陽殘照外間看泛魚槎

感時

孫友信

鞏縣志卷二十六 文徵四

三 經川圖書館刊

世路本嶮巖機械今復多南山設陷阱北山張網羅徧地
長荆棘當路橫矛戈狡兔無處走飛鳥不敢過一被鷹犬
獲後悔空蹉跎我欲學解網恨手無斧柯復欲前致詞多
口畏譴訶閉戶長歎息此事竟如何

題畫

董乃瀛 邑人

拍岸驚濤水一湖青山隱處是姑蘇漁翁蕩槳中流去曾
遇當年范蠡無

題湖心放舟圖

董乃瀛

半天雲霧捲秋羅四面峯嵐映綠波最好湖心船放處隔
隄樓上起笙歌

過鞏縣作

陸昕

今來又買野村醪不見東周氣象豪一片河聲趨洛汭四圍山色壓成臯嚴陵灘急星辰動杜子祠荒草木高獨有平津橋畔柳年年春水繫漁舸

過鞏縣工部祠堂

吳重熹

六十年來奉公集今朝故里拜叢祠傷心烽火連三月何日重吟劍外詩

蟠桃會歌壽劉母孫太夫人七十

許鼎臣

蟠桃根蟠河源黃蟠桃花發天地香蟠桃實結三千霜未許歲星先偷嘗蟠桃會上祝陵岡劉母母儀侔姒姜得位

鞏縣志卷二十六 文徵四

五

經川圖書館刊

祿名壽而昌長男巨刃摩天揚裒然國家柱石梁四五翊以百夫防餘亦礪砢不可當鵬鳩均平心則常女亦能織雲錦裳爚爚跂彼銀漢傍諸孫首領汾陽王子聳孫倩笏滿牀嘉賓鼓瑟吹笙簧陸自津薊海滬杭競騎麒麟翼鳳凰南極授几北極觴南斗挹酒北斗漿王母一笑無期疆雙成飛瓊相扶將留核且植嵩與邨散作丸球長生方天雞高高叫九閭蟠桃倒影接樽桑初日一輪黃金光

題劉節母祠

張仲友

邑人

丈夫青年竟作古遺腹未卜生男女眇眇深閨一弱息門庭寥落悵無主況復堂上雙白髮喪明之痛腸已腐際此

天厄難生存同赴九原非所苦節母別自爲懷抱一死誰
復延父祖忍死須臾撫藐孤自昔天漏媧石補舅姑繼逝
歸邱隴論兒從師渥修脯霜晨雪夜勤操作不知人間有
痛楚外營田園內室家隻身作母兼作父三十二年茹荼
蓼屈指初孀歲廿五懍然大節世所稀應與陶歐作儔侶
漫興
王敬芳邑人

年來情趣寄鳶魚嬾向案頭翻故書指與兒童仔細看月
明明處是清虛
春來大地暖風吹草木生生不自知若向枝枝葉葉數百
年那是數完時

鞏縣志卷二十六 文徵四

五

經川圖書館刊

勸學詞

王敬芳

邑人

數聲蕭鼓二更天寄語榜人莫漫眠月正圓兮風正穩明
明光地好行舩

修志捐款姓氏

劉雪亞捐洋壹千元

商務會捐洋貳百伍拾叁元陸角

第五區捐洋壹百元

趙仁甫捐洋壹百元

吳翰卿捐洋壹百元

趙名山捐洋壹百元

李肖庭捐洋壹百元

張礪儒寶臣捐洋壹百元

趙晏亭捐洋伍拾元

程功甫捐洋伍拾元

康庭蘭捐洋肆拾元

趙得魁捐洋叁拾元

第四區捐洋叁拾元

張光炎捐洋叁拾元

張光甲捐洋叁拾元

楊逢春捐洋叁拾元

焦清枝捐洋叁拾元

陳炳華捐洋叁拾元

鞏縣志捐款姓氏

張光彩捐洋叁拾元

張光蒸捐洋叁拾元

王向南捐洋叁拾元

劉蘭青統正捐洋伍拾元

李桂一捐洋貳拾元

劉克顯捐洋拾伍元

周榮會捐洋貳拾元

劉懷新遠捐洋貳拾元

閻鴻恩捐洋拾元

姚天德捐洋拾元

邴榮增捐洋拾元

鄧嵩山捐洋拾元

馬貫一捐洋拾元

邵明海捐洋拾元

徐尙謙捐洋柒元

姚錫麟捐洋柒元

姚明堂捐洋柒元

姚書芳捐洋柒元

張和春捐洋柒元

姚桂馥捐洋柒元

邵敷五捐洋柒元

張錦章捐洋柒元

周明光西方捐洋拾元

劉占標捐洋柒元

趙三亭捐洋伍元

張增銘捐洋伍元

路德明捐洋伍元

李光烈捐洋伍元

賀清德捐洋伍元

賀樹棻捐洋伍元

趙永貞捐洋伍元

趙同善捐洋伍元

閻維新捐洋伍元

鞏縣志卷捐款姓氏

跋

丁丑夏雪公自都返豫自逸從車抵大梁雪公直趣鞏自逸小息亦南旋居無何復奉雪公電促赴神堤蓋七月中旬矣既晉謁出篋中書侈侈厚付之曰此新修鞏縣志藁也國家多故外患憑陵平津保相繼沒落豫居中土虞淪爲戰地藁未繕正未錄副今欲付之剞劂氏子其任校讐之役自逸受而讀之蓋創始於鏡湖劉先生卒業於和壩張先生而以良史才前後傾助則張先生忠夫周先生世丞功居多歷十餘年葺事允爲名作猶憶民國庚午鏡湖先生遣使賫手書以排纂屬自逸因謏陋固辭先生意殊

鞏縣志跋

一

怏怏今已歸道山矣撫今思昔慚感曷已茲重以長者命則校印固所不敢辭也奈弘詞奧義焉烏是懼維時座中和壩先生奮然起願以辨難析疑付郵筒相往來因攜汴交刻工馬志超志超居右司官口額其門爲集文齋蓋三世精其業矣工將竣金石拓片道梗不得達自逸復奉父召疾返固則金石四卷劉微之克顯一手訂正也冬十一月告竣爲書二十六卷一千一百六十三番四十三萬零七百九十一字費以法幣計一千六百三十七圓以錢計一萬三千零九十六緡裝箱七外大書深刻內卷數隔離併合雪公前所校刊之中州先哲傳中州藝文錄中州文

徵續編中州詩徵天一閣鞏志裝箱三十有七用法幣一百十八圓零四角鞏志隨刻隨印先成三十部工料一百四十八圓六角增以郵資及復刻板片統耗法幣一千九百八十五圓六角三分均由雪公交訖維時省中紅糧劬七分黃米劬八分而工價每千字三圓八角仍守前十年所訂原約志超好義宜其能持久也今者雙方對峙於黃河一葦之杭動成騷亂飛機軋軋鎮日擾汴市自逸慮板片之散失也來謀善地皮藏之因憶同治直隸曲周志載石工楊王二氏世業康熙山東新城志載王之垣所撰趙公去思碑於嘉靖物價有所考稽瞿兌之方志考謂爲可

鞏縣志跋

二

珍史料因敘述顛末俾後有所考云民國戊寅歲五月萬自逸跋

